

OFFERYNNAU STATUDOL CYMRU

2019 Rhif 799 (Cy. 151)

AMAETHYDDIAETH, CYMRU ANIFEILIAID, CYMRU

Rheoliadau Materion Gwledig
(Diwygiadau Amrywiol) (Cymru) 2019

Gwnaed - - - - -	1 Ebrill 2019
Gosodwyd gerbron Cynulliad	
Cenedlaethol Cymru - -	5 Ebrill 2019
Yn dod i rym - -	29 Ebrill 2019

Mae Gweinidogion Cymru wedi eu dynodi(1) at ddibenion adran 2(2) o Ddeddf y Cymunedau Ewropeaidd 1972(2) (“Deddf 1972”) mewn perthynas â pholisi amaethyddol cyffredin yr Undeb Ewropeaidd.

Mae Gweinidogion Cymru yn gwneud y Rheoliadau hyn drwy arfer y pwerau a roddir gan adran 2(2) o Ddeddf 1972.

RHAN 1

Cyflwyniad

Enwi a chychwyn

1.—(1) Enw'r Rheoliadau hyn yw Rheoliadau Materion Gwledig (Diwygiadau Amrywiol) (Cymru) 2019.

(2) Daw'r Rheoliadau hyn i rym ar 29 Ebrill 2019.

(1) O.S. 2010/2690.

(2) 1972 p. 68. Diwygiwyd adran 2(2) gan adran 27 o [Ddeddf Diwygio Deddfwriaethol a Rheoleiddiol 2006 \(p. 51\)](#) a chan adran 3 o [Ddeddf yr Undeb Ewropeaidd \(Diwygio\) 2008 \(p. 7\)](#), a Rhan 1 o'r Atodlen iddi. Mae wedi ei diddymu yn rhagolygol gan adran 1 o [Ddeddf yr Undeb Ewropeaidd \(Ymadael\) 2018 \(p. 16\)](#) o'r diwrnod ymadael (gweler adran 20 o'r Ddeddf honno).

RHAN 2

Diwygio deddfwriaeth sy'n ymwneud ag Apelau'r Polisi Amaethyddol Cyffredin nad ydynt yn rhai IACS

Diwygio Rheoliadau Cynlluniau Cymorth y Polisi Amaethyddol Cyffredin nad ydynt yn rhai IACS (Apelau) (Cymru) 2004

2.—(1) Mae Rheoliadau Cynlluniau Cymorth y Polisi Amaethyddol Cyffredin nad ydynt yn rhai IACS (Apelau) (Cymru) 2004⁽³⁾ ("Rheoliadau 2004") wedi eu diwygio fel a ganlyn.

(2) Yn rheoliad 2—

- (a) yn y diffiniad o "apelydd", yn lle "restrir yn yr Atodlen i'r Rheoliadau hyn" rhodder "sefydlwyd o dan ddarpariaethau yn [Rheoliad \(EU\) 1308/2013](#), [Rheoliad \(EU\) 1379/2013](#), [Rheoliad \(EU\) 510/2014](#) a [Rheoliad \(EU\) 1144/2014](#)";
- (b) ar ddiweddu diffiniad o "y Cynulliad Cenedlaethol", hepgorer "ac";
- (c) yn y lleoedd priodol, mewnosoder y diffiniadau a ganlyn—
 - (i) "ystyr "[Rheoliad \(EU\) 1308/2013](#)" ("[Regulation \(EU\) 1308/2013](#)") yw [Rheoliad \(EU\) Rhif 1308/2013](#) Senedd Ewrop a'r Cyngor dyddiedig 17 Rhagfyr 2013 sy'n sefydlu cyd-drefniadaeth ar gyfer y marchnadoedd mewn cynhyrchion amaethyddol ac yn diddymu [Rheoliadau'r Cyngor \(EEC\) Rhif 922/72](#), [\(EEC\) Rhif 234/79](#), [\(EC\) Rhif 1037/2001](#), ac [\(EC\) Rhif 1234/2007](#)⁽⁴⁾ fel y'i diwygiwyd ddiwethaf gan Reoliad 2017/2393⁽⁵⁾";;
 - (ii) "ystyr "[Rheoliad \(EU\) 1379/2013](#)" ("[Regulation \(EU\) 1379/2013](#)") yw [Rheoliad \(EU\) Rhif 1379/2013](#) Senedd Ewrop a'r Cyngor dyddiedig 11 Rhagfyr 2013 ar gyd-drefniadaeth y marchnadoedd mewn cynhyrchion pysgodfeydd a dyframaethu, sy'n diwygio [Rheoliadau'r Cyngor \(EC\) Rhif 1184/2006](#) ac [\(EC\) Rhif 1224/2009](#) ac yn diddymu [Rheoliad y Cyngor \(EC\) Rhif 104/2000](#)⁽⁶⁾ fel y'i diwygiwyd ddiwethaf gan [Reoliad \(EU\) 2015/812](#)⁽⁷⁾";;
 - (iii) "ystyr "[Rheoliad \(EU\) 510/2014](#)" ("[Regulation \(EU\) 510/2014](#)") yw [Rheoliad \(EU\) Rhif 510/2014](#) Senedd Ewrop a'r Cyngor dyddiedig 16 Ebrill 2014 sy'n gosod y trefniadau masnach sy'n gymwys i nwyddau penodol sy'n deillio o brosesu cynhyrchion amaethyddol ac yn diddymu [Rheoliadau'r Cyngor \(EC\) Rhif 1216/2009](#) ac [\(EC\) Rhif 614/2009](#)⁽⁸⁾";;
 - (iv) "ystyr "[Rheoliad \(EU\) 1144/2014](#)" ("[Regulation \(EU\) 1144/2014](#)") yw [Rheoliad \(EU\) Rhif 1144/2014](#) Senedd Ewrop a'r Cyngor dyddiedig 22 Hydref 2014 ar fesurau darparu gwybodaeth a hybu gwybodaeth ynghylch cynhyrchion amaethyddol a weithredir yn y farchnad fewnol ac mewn trydydd gwledydd ac sy'n diddymu [Rheoliad y Cyngor \(EC\) Rhif 3/2008](#)⁽⁹⁾";

(3) Yn rheoliad 4(1), yn lle "restrir yn yr Atodlen" rhodder "sefydlwyd o dan ddarpariaethau yn [Rheoliad \(EU\) 1308/2013](#), [Rheoliad \(EU\) 1379/2013](#), [Rheoliad \(EU\) 510/2014](#) a [Rheoliad \(EU\) 1144/2014](#)".

(4) Hepgorer yr Atodlen.

(3) [O.S. 2004/685 \(Cy. 73\)](#), a ddiwygiwyd gan [O.S. 2017/724 \(Cy. 174\)](#).

(4) OJ Rhif L 347, 20.12.2013, t. 671.

(5) OJ Rhif L 350, 29.12.2017, t. 15.

(6) OJ Rhif L 354, 28.12.2013, t. 1.

(7) OJ Rhif L 133, 29.5.2015, t. 1.

(8) OJ Rhif L 150, 20.5.2014, t. 1.

(9) OJ Rhif L 317, 4.11.2014, t. 56.

Darpariaeth arbed

3. Pan fo Gweinidogion Cymru yn gwneud neu wedi gwneud penderfyniad cychwynnol mewn perthynas â gweinyddu cynllun cymorth cyn i'r Rheoliadau hyn ddod i rym, bydd y broses apelau a sefydlwyd o dan Reoliadau 2004 yn cael effaith fel pe na bai rheoliad 2 wedi ei wneud.

RHAN 3

Diwygio deddfwriaeth sy'n ymwneud ag anifeiliaid

Diwygio Rheoliadau'r Fasnach mewn Anifeiliaid a Chynhyrchion Perthynol (Cymru) 2011

4. Yn lle rheoliad 28 o Reoliadau'r Fasnach mewn Anifeiliaid a Chynhyrchion Perthynol (Cymru) 2011(**10**) rhodder—

“Derbyn cynhyrchion i warysau

28. Ni chaiff neb ddod â llwyth o gynhyrchion nad yw'n cydymffurfio â gofynion mewnfiorio'r Rheoliadau hyn i warws gan dorri Adran 2 (storio yn warysau'r tollau) neu Adran 3 (parthau rhydd) o Bennod 3 o Deitl 7 o [Reoliad \(EU\) Rhif 952/2013](#) Senedd Ewrop a'r Cyngor sy'n nodi Cod Tollau'r Undeb(**11**).”

1 Ebrill 2019

Lesley Griffiths
Gweinidog yr Amgylchedd, Ynni a Materion
Gwledig, un o Weinidogion Cymru

(**10**) [O.S. 2011/2379 \(Cy. 252\)](#), a ddiwygiwyd gan O.S. 2019/463 (Cy. 111); mae offerynnau diwygio eraill ond nid yw'r un ohonynt yn berthnasol.

(**11**) OJ Rhif L 269, 10.10.2013, t. 1.

NODYN ESBONIADOL

(*Nid yw'r nodyn hwn yn rhan o'r Rheoliadau*)

Mae'r Rheoliadau hyn yn diwygio Rheoliadau Cynlluniau Cymorth y Polisi Amaethyddol Cyffredin nad ydynt yn rhai IACS (Apelau) (Cymru) 2004 ("Rheoliadau 2004") a Rheoliadau'r Fasnach mewn Anifeiliaid a Chynhyrchion Perthynol (Cymru) 2011 ("Rheoliadau 2011") drwy arfer y pwerau yn adran 2(2) o [Ddeddf y Cymunedau Ewropeaidd 1972 \(p. 68\)](#).

Mae Rheoliadau 2004 yn galluogi Gweinidogion Cymru i sefydlu gweithdrefn apelau os gwneir apêl yn dilyn penderfyniad cychwynnol a wnaed o dan unrhyw un neu ragor o gynlluniau cymorth y Polisi Amaethyddol Cyffredin ("PAC") a restrir yn yr Atodlen i'r Rheoliadau hynny.

Mae rheoliad 2 yn diweddu'r cynlluniau y caniateir sefydlu gweithdrefn apelau ar eu cyfer gan Weinidogion Cymru er mwyn sicrhau eu bod yn gyson â Rheoliadau cyfredol yr UE. Mae hefyd yn dirymu'r Atodlen i Reoliadau 2004 sy'n rhestru cynlluniau unigol, y mae llawer ohonynt wedi darfod erbyn hyn neu wedi eu diweddu yn neddfwriaeth yr UE.

Mae rheoliad 3 yn ddarpariaeth arbed sy'n darparu, pan fo Gweinidogion Cymru yn gwneud neu wedi gwneud penderfyniad cychwynnol ynghylch cynllun a restrir yn yr Atodlen i Reoliadau 2004 cyn i'r Rheoliadau hyn ddod i rym, fod y weithdrefn apelau a sefydlwyd o dan Reoliadau 2004 yn parhau i fod yn gymwys.

Mae Rheoliadau 2011 yn sefydlu system ar gyfer y fasnach mewn anifeiliaid byw a deunydd genetig ac ar gyfer mewnfiorio anifeiliaid byw, deunydd genetig a chynhyrchion sy'n dod o anifeiliaid.

Mae rheoliad 4 yn cywiro diwygiad a wnaed i reoliad 28 o Reoliadau 2011 gan reoliad 12(9) o Reoliadau Materion Gwledig, yr Amgylchedd, Pysgodfeydd a Bwyd (Diwygiadau a Dirymiadau Amrywiol) (Cymru) 2019 ("Rheoliadau 2019").

Mae Rheoliadau 2019 yn diweddu cyfeiriadau at amryw o ddarnau o ddeddfwriaeth y DU ac Ewrop mewn deddfwriaeth ddomestig sy'n ymneud ag amaethyddiaeth, iechyd anifeiliaid, lles anifeiliaid, addysg, diogelu'r amgylchedd, bwyd, iechyd planhigion, pysgodfeydd môr a dŵr.

Ystyriwyd Cod Ymarfer Gweinidogion Cymru ar gynnal Asesiadau Effaith Rheoleiddiol mewn perthynas â'r Rheoliadau hyn. O ganlyniad, ystyriwyd nad oedd yn angenrheidiol cynnal asesiad effaith rheoleiddiol o'r costau a'r manteision sy'n debygol o ddeillio o gydymffurfio â'r Rheoliadau hyn.